

In memoriam: dr. sc. Emir Avdagić**(1974–2023)**

Nakon dostojanstvene borbe s bolešću i uprkos dubokoj vjeri u izlječenje, 3. novembra 2023. godine zatekla nas je vijest o preranoj smrti dragog prijatelja i uvaženog kolege dr. sc. Emira Avdagića. Otišao je posvećeni pregalac za ideju obrazovanja odraslih i neumorni borac protiv vjetrenjača bosanskohercegovačke obrazovne politike. Svojim odlučnim i nepokolebljivim radom na čelu Ureda DVV Internationala u Bosni i Hercegovini omogućio je da se glas o obrazovanju odraslih u našoj državi proširi Evropom i svijetom. Rijetkom životnom radošću i osjećajem za ljude gradio je mostove među andragoškim zajednicama regije i šire. Bio je jedan od pokretača časopisa *Obrazovanje odraslih* 2001. godine, glavni i odgovorni urednik 2011. i 2012. godine, te stalni član Redakcije sve do danas.

Dr. sc. Emir Avdagić rođen je 1974. godine u Freiburgu u SR Njemačkoj. Diplomirao je 2003. godine na Filozofskom fakultetu Univerziteta u Sarajevu na Odsjeku za germanistiku. Dvogodišnje master studije iz oblasti obrazovanja odraslih upisao je 2005. godine na Univerzitetu u Kaiserslauternu (SR Njemačka), koje je završio 2007. godine. Doktorske studije andragogije na Filozofskom fakultetu u Beogradu, na Odeljenju za pedagogiju i andragogiju, upisao je 2010. godine i završio ih odbranom doktorske teze na temu „Menadžment u organizacijama za obrazovanje odraslih – konceptualni i operativni modeli” u aprilu 2016. godine.

Bio je direktor Ureda za Bosnu i Hercegovinu Instituta za međunarodnu saradnju Njemačkog saveza visokih narodnih škola (DVV International) u periodu od 2000. do 2023. godine. Ova pozicija uključivala je upravljanje projektom „Obrazovanje odraslih u jugoistočnoj Evropi”, a odnosila se na lobiranje i

zagovaranje zakonskih okvira za obrazovanje odraslih, konsalting te stručno praćenje partnerskih organizacija u realizaciji zajedničkih aktivnosti. Učestvovao je u realizaciji brojnih projekata usmjerenih osnaživanju i razvoju obrazovanja odraslih u Bosni i Hercegovini, ali i regiji, a sa priložima je učestvovao u brojnim naučnim konferencijama i skupovima, uglavnom, međunarodnog karaktera. Objavio je knjigu pod naslovom *Menadžment modeli u organizacijama za obrazovanje odraslih* (na bosanskom i engleskom jeziku, 2016. i 2017), a u časopisu *Obrazovanje odraslih* objavio je više članaka posvećenih temama iz komparativne andragogije, obrazovne politike i menadžmenta u obrazovanju odraslih.

Našeg uvaženog prijatelja i kolegu čuvat ćemo u najljepšem sjećanju zahvalni na doprinosu časopisu *Obrazovanje odraslih*, razgovorima i trenucima dijeljenja životne radosti.

Prisjetit ćemo se članaka koje je dr. Avdagić objavio samostalno ili u koautorstvu u časopisu *Obrazovanje odraslih* (iz Bibliografije autorica Bajrić i Hajdarpašić 2018)

- AVDAGIĆ, Emir. IIZ/DVV – Projekt u Bosni i Hercegovini = IZZ/DVV Project in Bosnia and Herzegovina / Obrazovanje odraslih: Časopis za obrazovanje odraslih i kulturu. 1–3 (2001), str. 23–27.
- AVDAGIĆ, Emir. Pakt za stabilnost i permanentno obrazovanje = The Stability Pact and Permanent Education / Obrazovanje odraslih: Časopis za obrazovanje odraslih i kulturu. 2 (2002), str. 115–118.
- AVDAGIĆ, Emir. Njemački kao strani jezik u obrazovanju odraslih = German as Foreign Language in Adults Education / Obrazovanje odraslih: Časopis za obrazovanje odraslih i kulturu. 2 (2003), str. 81–108. 194.
- AVDAGIĆ, Emir. Prvi festival cjeloživotnog učenja u Jugoistočnoj Europi = The First Lifelong Learning Festival in South-Eastern Europe / Obrazovanje odraslih: Časopis za obrazovanje odraslih i kulturu. 3 (2003), str. 117–120.
- AVDAGIĆ, Emir. Informacija o izradi dokumenta „Strateški pravci razvoja obrazovanja odraslih u BiH” = Information about Making Document „Developing Strategies of Adult Education in B&H” / Obrazovanje odraslih: Časopis za obrazovanje odraslih i kulturu. 2 (2005), str. 107–109.
- AVDAGIĆ, Emir. Obrazovanje odraslih kao podrška pripremi za životnu krizu izazvanu odlaskom u mirovinu = Education of Adults as a Support Considering Preparations for Life Crisis Caused by Retirement / Obrazovanje odraslih: Časopis za obrazovanje odraslih i kulturu. 1 (2008), str. 81–102.

- AVDAGIĆ, Emir. CONFINTEA VI = CONFINTEA VI / Obrazovanje odraslih: Časopis za obrazovanje odraslih i kulturu. 1 (2009), str. 121–126. 338.
- AVDAGIĆ, Emir. Internacionalna konferencija „Obrazovanje odraslih u Bosni i Hercegovini i Jugoistočnoj Evropi – doprinos miru i razvoju” = International Conference „Adult Education in Bosnia and Herzegovina and Southeastern Europe – Contribution to Peace and Development” / Obrazovanje odraslih: Časopis za obrazovanje odraslih i kulturu. 2 (2010), str. 15–25. 339.
- AVDAGIĆ, Emir. XIII kongres Visokih narodnih škola SR Njemačke = 13th German Adult Education Conference / Obrazovanje odraslih: Časopis za obrazovanje odraslih i kulturu. 1 (2011), str. 13–20.
- ALIBABIĆ, Šefika; AVDAGIĆ Emir. Razvojni elementi u strategijama obrazovanja odraslih = Development Elements in the Strategies of Adult Education / Obrazovanje odraslih: Časopis za obrazovanje odraslih i kulturu. 1 (2013), str. 33–52. Napomena: Tekst je preuzet iz časopisa „Pedagogija”. 1 (2012), Beograd.
- AVDAGIĆ, Emir. Metodološki pristupi u istraživanju menadžmenta obrazovanja odraslih = Methodological Approaches of Research on Management in Adult Education / Obrazovanje odraslih: Časopis za obrazovanje odraslih i kulturu. 1 (2012), str. 25–46. 35.
- AVDAGIĆ, Emir; ELLWANGER, Winfried. Menagement Models in Organisations for Adult Education / Obrazovanje odraslih: Časopis za obrazovanje odraslih i kulturu. 1, 2 (2017), str. 11 – 34. Napomena: Tekst je preuzet iz zbornika „International Perspectives in Adult Education (IPE) 78: Adult education centres as a key to development – challenges and success factors”, str. 179–201.
- ČERKEZ, Anes; AVDAGIĆ, Emir. Funkcija marketing menadžmenta u organizacijama za obrazovanje odraslih = Function of Marketing Management in Organisations for Adult Education / Obrazovanje odraslih: Časopis za obrazovanje odraslih i kulturu. 1 (2018), str. 49–72.

Literatura

Bajrić, A., Hajdarpašić, L. 2018. Bibliografija časopisa ”Obrazovanje odraslih”: Časopis za obrazovanje odraslih i kulturu (2001-2018). *Obrazovanje odraslih*, 2, XVIII/2018, str. 135–196.